



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Virtutibus Moralibus, De Justitia Et Jure Et De
Contractibus

Antoine, Paul-Gabriel

Ingolstadii, MDCCXXXIII.

VD18 90392159

An autem mortale sit tempus refectionis notabiliter anticipare sine justa
causa?

urn:nbn:de:hbz:466:1-40993

Q. 2. *An præceptum jejunii per se obligat sub mortali?*

Resp. Aff. Constat 1. ex consensu Doctorum, & fidelium, 2. Quia res præcepta capax est gravis obligationis (cùm sit opus virtutis in suo genere grave,) & ab Ecclesia absolute præcipitur. Præcepta autem obligant pro gravitate materiæ, saltem dum Superior expressè non declarat se velle tantùm leviter obligare. 3. Alex. VII. damnavit hanc propos. Frangens jejunium Ecclesiæ, ad quod tenetur, non peccat mortaliter, nisi ex contemptu, vel inobedientiâ hoc faciat, putâ quia non vult se subjecere præcepto.

Hinc peccat mortaliter 1. Qui die jejunii, vel abstinentiæ carnium, comedit sine necessitate carnes; nisi excusat à mortali materiæ parvitas, quæ communiter admittitur, eò quod prohibeantur carnes prout nutritivæ, seu refectionivæ virium, at parùm carnis parùm nutrit; ergo etiam parùm seu sub párva culpa, & non graviter prohibetur. Hæc tamen parvitas difficile constitui potest. 2. Qui vescitur ovis, aut lacticiniis, nisi permissa sint ab Episcopo, vel legitima consuetudine. 3. Qui aliquid notabile extra unam refectionem, & collatiunculam comedit, etiam interruptim.

An autem mortale sit tempus refectionis notabiliter anticipare sine justa causa?

Controvertitur. Layman censet olim quidem

dem notabilem anticipationem fuisse mortalem, nunc verò spectatâ hodiernâ Ecclesiæ consuetudine esse solum venialem. Sed Covar. Nav. Sanchez, Comitol. Azor, Reginal. & alii docent etiam nunc esse mortalem, & probant 1. Ex sensu fideliū, & ex fine jejunii. 2. Ex cap. Solent. de Consec. dist. 1. Nullatenus jejunare credendi sunt, si ante manducaverint, quam vespertinum celebretur officium. & ex Conc. Rothomag. an. 1072. cap. 21. Nullus in Quadragesima prandeat, antequam hora Nonā peracta, Vespertina incipiat. Non enim jejunat, qui ante manducat. Ergo ex mente Ecclesiæ tempus refectionis lege, vel consuetudine universalī statutum, est conditio pertinens ad substantiam præcepti, vel ad modum substantialem illius. Nam etsi in anticipatione horæ discessum sit ab instituto veteris Ecclesiæ, non tamen in eo, quod certa hora servetur, quam non liceat comedendo prævenire. 3. Ex S. Thom. in 4. dist. 15. q. 3. a. 4. q. 3. Ille jejunium solvit, qui Ecclesiæ determinationem non servat. Unde cum Ecclesia instituerit certum tempus comedendi jejunantibus, qui nimis notabiliter anticipat, jejunium solvit. Porro juxta multos nulla est culpa, si ob justam causam, qualis est iter necessarium faciendum, tempus illud notabiliter antevertatur, eò quod id usu receptum sit apud doctos, & probos; & facilius excusatio in hoc locum habeat, quam in aliis, ad jejunium requisitis, cum refectionis tempus ad finem jejunii minus conduceat.

Q. 2